

## SECTIO QUARTA.

'Ad quam classem succinum sit referendum;  
& quot modis à reliquis differat  
mineralibus?

### CAP. I.

*Succinum non ad metalla, nec ad terras aut  
salaria, nec ad bitumina aut sulphura  
esse referendum.*

### §. I.

*Fossilie succinum declaravimus, illisque quæ rudi adhuc accidunt generationem illustravimus, sed ut penitus natura introspectiatur, genus fossilium ad quod accedat proximè expli-  
candum erit.*

II. *Metallis non esse accensendum vel illud arguit, quod  
nec ductile sit, nec liquabile: sicut enim in fluorem deducitur,  
soliditati ejus multum decedit, contra quā metallis evenit.*

III. *Fuerunt qui succinum fundendi, & parva frusta in  
unam molem salvâ firmitate uniendi artem sc̄ tenere asseverarunt; inter Adeptos numerandi, si idoneis documentis fidem fecerint; neque minus quā ex lapide Philosophorum  
lucrum Electrotoreutæ ipsis promittunt. Ego variis experi-  
mentis, dum fusioni succini operam dedi, frustra istud tentari  
didici, siquidem salium vis, à quā maximum succinorum ro-  
bur, inter solvendum avolat; nec à fuga retinetur, nisi addito  
aliquo, eo ipso tamen soliditas corrumpitur. Quod si calor  
tam blandus admoveri posset, qualem natura in animalibus hu-  
mente vapore miscet, non desperandum arti putarem; Glo-  
bus enim succineus in ovis ventriculo repertus ex pluribus minu-  
tis coagmentatus est, relictis juncturæ ubique vestigiis, quæ ipsa  
nec*

nec fusorium, sed tepidum glutinandis cōmodum ignem à natura adhibitum fuisse indicant.

IV. *Fusa succina*, quibus sceleta obducta atque succinea funera venditata, vernix sunt, uti amicissimus D. VÖGE-DING optimè monuit. Solvi olim succinum & liquefeci, solo ignis adminiculo, nullâ aliâ re admixta, sed fragilis iusto comperi, imminutâ coloris gratiâ, salinis minutis quæ lateribus vasis adhærebant causam reddentibus.

V. Multò minus ad terrarum aut salium classem succinum referendum erit; quum terris arctius cohæreat, & salibus sit pinguis, utrisque etiam humidius.

VI. Ad bitumina & sulphura proprius accedit, ut tamen durities ipsum ab his discriminet, tam dura enim ac solida pura bitumina aut sulphura nemo indicabit.

## CAP. II.

*Quod succinum sit gemma: virtus attrahendi  
levia & humores corporis humani.*

## §. I.

Durities succinum inter lapides, splendor inter gemmas collocat; Neque fragilitas objiciatur; fragilis & gagates; gemmæque gemmis solidiores, nec tamen propterea loco moventur: Electrotorevtæ satis dura succina experiuntur, alba in primis, ut ferri aciem hebetent; tormentaque & mortaria ludicra, à pulveris pyrii explosione illæsa, soliditatem docent: Summa etiam succini ex duritate & soliditate gloria: facessant itaque friabilia ac fragilia, quæ ignobilitate contemta ab arte rejiciuntur.

II. Sed virtutum, que succinum à reliquis gemmis discernunt, præcipua Antiquis visa attrahendi, ut electrica ipsis vocantur corpora, quæ facultate trahendi quidquam ad se polarent; & celebre hujus virtutis nomen PLATONIS etiam in-

genium in explicando exercuit. Recentior etas quæ res naturales intentiori experimentorum curâ explorat, aliis gemmis, lapidibus, vitris, bituminosis, resinosisque, sulphuri, asphalto, laccæ communem vim attrahendi advertit. Reliquis tamen gemmis fortius succinum attrahet, ut quod attritum pinguia effluvia eaque tenacia copiosius emitit: Virtutem enim hanc oleosis particulis adscribendam persualit experimentum, quod de colophonia gemina cepi; altera enim post olei destillationem excepta pariter se electricam adducendo levia probabat; altera verò, quam post Balsami nigri liquorem exemi, licet nitida & quasi vitrea esset, nullam vim attrahendi excerebat: Nimirum illa aliquid pinguedinis retinuit, hæc vero capit is mortui instar omni bituminosâ pinguedine prorsus exuta fuit.

III. Veteres quædam exceperunt, quæ non adduceret; *Sympathie & antipathie* miraculo: perperam admodum, siquidem & ocymum & oleosa & humida, ipsasque aqueas guttas à succino attrahi pro lubitu demonstro, insigni & politâ glebâ admotâ; eleganti spectaculo, quando effluviis ingredientibus gutta in bullam adsurgit, aut quando pendula transilit.

IV. Sed & in corpus humanum hâc virtute succinum agit: frusto cervici alligato partem quam leviter attingit, leni sudore humectam tactu percipes. IL BOILE, *Anglia* imo *Europæ* eruditæ maximum quondam *deus*, enarrabat, & incredulo mihi asseverabat, illustri prosapiæ virginem globulorum grandiorum lactei albescantis corollâ ita affectam, ut os in tremorem & quasi spasmum ageretur, quoties collo suspensam gestaret, remotâ verò corollâ tremorem cessasse & convulsionem, efficaciam autem attrahendi humores in fonticulis quidam globulis succineis persensere.

V. Sed quod duorum pedum spatio distantia corpora, levia licet, attraxerit, mihi incognitum; paleari veste induita animalia verò quod rapuerit, prorsus fabulosum: quibusdam tamen persuasum fuit, ut crederent.

CAP.

## CAP. III.

*Odor, Sapor, Color & levitas Succini.*

## §. I.

Propria succino est FRAGRANTIA, qualem nulla gemmarum exhalat; neque ex reliquis naturae foetibus, aromaticæ fortis, quidquam parem odorem spargit; non thus, non myrrha, non camphora, nec mastiche; In resinarum intra formicarum acervos abditarum glebulis imitamentum habes adoraminis, sed ut in attritis & accensis discrimen se prodat illicè.

II. Diversus est flavorum sive igneorum ab albescientibus ODOR; illorum pingua, adeoque blandiora, horum salsa & acriora sunt effluvia, quæ haud similiter nares afficiunt.

III. Peculiaris quoque inter gemmas succinis est SAPOR; sed & hic variat, uti oleosarum & salinarum particularum variat niscela; alba fibras linguae pungunt, flava non item.

IV. A plerisque gemmis & COLORUM varietate differunt: Nigrorem refugiunt; opaca rara sunt repertu; superant inter pura pellucida.

V. Denique LEVITATE, parem vix nominabis gemmam; dono dederam Amico rei gemmariae gnaro, peregrè ex Asia reduci, corollam cum armillis & manubriis cultellorum variegati coloris, nec patriam gemmam dignoscere potuit nisi de pondere admonitus.

## CAP. IV.

*Aliæ succini virtutes, quibus à gemmis differt;*  
*usus i. medendo, cura præparationem artis*  
*Pharmaceuticae.*

## §. I.

**V**ana quorundam fuit opera in viribus succini recensendis, quando virginitatem probandi facultate idem possere, aut luna decrementis incrementisve respondere prodiderunt.

II. *Princeps virtus* est corporibus animalium mederi, ad quam gloriari nulla gemma æquè accedit: *Crudum* citra artis operam est saltare, sive intus sive extus applicetur: *Indis & Chinensisbus* suffitus in delitiis habetur, ut in luxum degeneret: Sed Catharrhis ex pituita suffimentum prodesse vulgus novit; Exhalationibusque succineis alexipharmacis acceptum quondam tulerunt Electrotoreutæ Regiomontani, quod ipsi à peste manserunt intacti: Certè non efficacior adversus contagia suffitus, quam ex succino; Neque ulli ex fodinis *LITO-  
RIS SUDAVICI* graves aut pestilentes erupere unquam vapores.

III. Fluxionibus capitis *alba* perpolita succina sunt proficia, cervici alligata humores avellunt; blanda quoque oculis flavorum affrictio; & fonticulis succinei globi lenius induntur.

IV. In pulvrem contusum ad urinam ciendam, ad calculum propellendum, ad muliebris sextis menstruum profluviū mōendum multum valere, si cætera sunt paria, quotidiana loquitur experientia. Dono à *Generosa Domina* accep-ram *calculum plurium unciarum*, duos articulos digitorum & supra latum, tres longum, quem carnificem *Rustica* in sinu pudoris tres menses passa erat; dato succini albi pulvere, cochlearis mensurā, feliciter carnificinā liberata est; ipsam aniculam ad me adduci curavi, ut omnia exquirerem accuratis.

V. Pariter succini pulvis vino infusus, hinc sub operculo incoctus, calido vino epoto, & urinæ & calculo & membris trahendis inservit, quamvis minus efficaciter.

VI. In

VI. In memoratos usus Medicos præstat *album* sumere; salis enim maxima in his enitet virtus. Atque PATERNUS PATRIS PATRIÆ in subditos affectus per Præfectum littoris capropter poscentibus colonis, qui circa succinum occupantur, libras duas albi in tutelam & curam sanitatis clementissimè quotannis dilargitur.

## C A P . V .

*Uſus ſuccini in medendo per præparationem*

*artis Pharmaceutice.*

## §. I.

L Ongut foret minutim recensere, quæ Pharmaceutica in externa & interna remedia ex succino præparat; præcipua folum attingo: MAGISTERIUM RESINO SUM falubriter Pilularum formâ usurpatum, nec Balsamo Copaibæ cedet, sive urina cienda, sive pituita digerenda, sive gonorrhæa temperanda: Idem Cephalicis Emplastris conuenit.

II. COLOPHONIA Diaphoreticis quibusque & Stomachicis Emplastris congruit; conimodo maximo si adversus paralysin, apoplexiā, aut epilepsiam, aut etiam gangrænam muniendæ sunt partes; sumtu minori: Debilitatos ab arthritide artus benignè fovet: Nisi domestica despiceremus, vel magis si non inconsultis circumstantiis, domesticis temere abutemur, Colophoniam succini prædivinis quibusque ac miraculosis dictis Emplastris commendarem.

III. OLEUM succini Europæ & Asiae præclarum præbet medicamen, sed imprudentia Medicastrorum infamiam incurrit; siquidem in gonorrhæa, calculo, & mensibus suppressis saepe in exitium ægrotis cessit: Parca ejus sit dosis, gutta una & altera aliquot drachmis Sacchari vires impertit; frigido & pituitoso cerebro una guttula vertici aut suturis illita medetur; gossypio excepta, auribusque admota flatus & tinnitus discutit;

ambustas frigore partes restituit; Partu difficile fert opem, quod vel veterinariis in Prussia innotuit, quamvis his pulvis magis in usu. Oleum autem eligendum quod aëreum, nullâ ab igne notâ empyreumatis impressâ, albescens, subtilissimum & fragrantissimum.

IV. SALIS VOLATILIS succinei contra Epilepsiam aliosque affectus Cephalicos, à pituitâ oriundos decantata est medicina: Sed & Diureticum insigne præstat.

V. ESSENTIA SUCCINI est olei subtilior portio, adeoque eadem de hactibi promittes commoda, sed quod Spiritus vini mixturâ diluta est largius in usum assumi potest: vallet quoque ad arcendam gangrænam extus.

VI. Sunt qui PHLEGMA medicamentis adnumerant, sed quodcumque ipsi inest virium olei atque salis reliquiis debetur, quibus si priyatur, satuum ac fumosis exhalationis imbutum restat.

VII. Quod postremum destillat CRASSUM OLEUM non nisi vulgo in frigidorum artuum medelam conveniet, empyreuma enim graveolens reddit, ut satius aestimem isto abstineret, & colophoniam integris viribus servare.

VIII. Pluribus modis istæ præparationes variant, & aliis combinantur, parumque abest, quin omnibus morbis ex succino paratum auxilium proferet; sed simplicibus delectamur magis, itaque composita negligimus.

IX. Illud unicum adjicio, me justa analysi, ductu naturæ pura ab impuris separando, blando in subsidium advoco igne vires succini omnes ita coadunare, ut salvâ fragrantia nativâ, pinguium & salinarum particularum salvâ quoque efficacia, externo internoq; usui idoneum remedium evadat: BALSAMUM SUCCINUM voco, in quo remotis terrestribus graveolentibus partibus volatiliores atque delicatores amicissimo fluoris nexu arctè cohærent, nullo alieno in societatem admisso.

X. Quic-

X. Quicquid à succino crudo aut arte quomodocunque præparato expectari potest, citius, tutius & jucundius à NOSTRO BALSAMO præstabitur: Internè formâ pilularum, commodissime assumitur, aut boli; externè Apoplectici, cùjus & colorem præ se fert, Balsami in modum applicatur; ginvivis, linguæ, palato, in deliquiis, in passionibus hystericis, epilepticis, Paralyticis, cum fructu affricatur: Prophylaxeos ergò quâvis septimanâ bis terve grana quinque, septem, decem, imo XV. tuto usurpantur; similiter in Renum, vesicæ, genitalium certis morbis, admixtis anodynîs; contra tinnitus aurium, quam oleum affert medelam, at certiorem.

XI. BALSAMUM hoc, ut meditando elicerem fecit olei succini vulgaris ob empyreuma ingratus odor, ob cuius fastidium quidam usum prorsus intermisserunt; fecit & ab olei usurpatione periculum, quum ignea prorsus sit naturæ; fecit & salis volatilis auxiliaris copia, quâ oleum destituitur.

XII. Non male ap. HOFMANNUM & ETTMULLERUM Balsami Peruviani gratia oleo succini jungitur; Ast felicior Peruviani & NOSTRI BALSAMI SUCCINI, adversus gonorrhœam & fluorem album in primis, societas erit.

XIII. Balsamum Succini vulgare ex Sulphur. admixto nihil habet cum NOSTRO commune: Sed nec elegantius ETTMULLERO commendatum quod succini oleum & Sal volatile triplo olei Nucistæ expressi conjungit, ad il-

Iud accedit, NOSTRUM enim & corporatio-  
nem & colorem ex seipso  
habet.

SE-